

F°1r

Pr ( ?) Lan mil iii<sup>c</sup> lxxvii allait Chairle lempereur a *Saint* mors des Fousses en pellerinaiges. Et a Parix ly fist ly roy de France fil de sa suer *granthonnour* et furent fait dons a luy de bien lx millez francz et de plus. Et ne savoit parsonne pourquoy il y alloit for que en pellerinaige de *saint* mors. Le dit roy de France donnait ledit emperour a dignez tresgrandement et de tant de pairelz( ?) de mo( ?) *que* ce fuit merveille dont le poillaige rostis estot rostis et quant on deservoit on raluoit tout.

Puez donnait ledit emperour a digner ledit roy de France de ii pairez de met cest assavoir le premier une *grant* piece de bœuf et ung chappon bolly au navel et une joutte au bancon.

Le second mot chappons et porcillons rostis sen sause et gellee. Le thier met lachefrites poierez et neuxes.

Et tout quant *que* on oste(o ?)it desor tauble tant de vin comme de viande et on nen maluoit( ?) rien mais tout gittez on pot a lausmonne et tout donney pour dieu *aprez* diney. Et fuit plux priser que le disney du roy pourtant con nel raluoit rien. Et disoit ledit emperour *quil* donnoit grossement a diner selong la coustumes dallemaigne combien *que* le disney des francoys estoit trop plus coustangeable.

Et au despartir quilz firent lung de lautre ledit emperour demandait ung dont audit roy de France que ly volxit promettre quil nen-treprenroit rien ne ne soufferoit de rien laisser entreprendre contre son filz Wainchelat de venir a lempire *aprez* son deceptz. Lequel roy ly ottroiait et le tint. Et se fut la cause pourquoy ledit emperour sen allait a *saint* mor de parix. Et depues en (ou en ?) *envoioit* ledit roy et son conseil le duc lowy dangois pour conquerer le reaume de naple *pour* luy estre en perdisions.

Lan mil iii<sup>c</sup> lxxviii vint la devision de lesglise de ii pappe lung a rome lautre en avignon et durait jusques pappe alixandre a ~~rome~~ ung cordelliere que fuit fait pappe a pise a ung *saint* consille qui estoit assembleis audit lieu de pise *per* mil iii<sup>c</sup> et ix. Ainsy durait ladite devision xxxi ans.

Et moruit ledit emperour chairle *per* mil iii<sup>c</sup> lxxix.

F°1v :

Et environ lan mil iii<sup>c</sup> et iiiii<sup>xx</sup> fuit envoie ledit duc dangois on reame dairleblan et on reaulme de naiple pour conquerer. Et la demenrait en moult tresgrant poureteit.

Le duc lowis duc dangois filz du roy jehan de France et frere du roy charles v<sup>e</sup> de France lequel estoit ung tirant et volt entrepre( ? effacé) de gaingner mets et disoit que se le soleil y entroit quil y enterroit (sic) et vouloit entreprendre destre empereur et pour celle cause fuit ledit empereur charle a parix.

*Item* ledit duc dangois enherbait le roy de France son frere et ne pot estre ledit roy guerrit que par ung xaul et ne volt point souffrire con le faisit morir maix ly pardonnait et volt avoir le xal sur le doi de la droite main en signifience que quant il mangerait et buveroit *que* son frere veist les œuvres quil avoit fait adfin quil en heust contriction a la mort.

Et pourtant *que* ledit duc dangeois estoit ung tirant et plain de tirannie et quil ne tiroit quaconquerer / il fuit advisez par le conseil des rea(effacé) con lenvonroit en exil on reamme de naiple et ly chargont en flour de gent dairmes dont ce fuit pitiet et finance a volenteit. E(t effacé) en allait sy avant ondit pays quil ne polt retourner car quan(t effacé) il entrait on pays ilz le laissait tousjours passer sen contredit (phrase ajoutée)/ et quant il fuit bien avant il ne pot retourner pourtant quil navoit mis nulle garde sus le retourner. Et la moruit en telz poureteir *que* la vigille de noel luy et le plux feable quil avoit norent cun œuf pour tout le jour. Et nen revint parsonne *que* par le val de brube.

Coment le hault maistre de prusse que pour le temp y( ?) estoit et l(e effacé) roy sidregal roy de laitre en sarasineroïn( ?) / lequeil roy sappelloit le bon roy sidrega et ledit empereur charle avoient la ~~¶~~(illisible) renomee destre les iii plus saiges princez du monde. Et no(effacé) quilz se faisaient ades guere lung lautre ledit roy de Laitue et le hault maistre cestoient il bien souvant ensemble par esxurement et salloient veoire lung lautre en leur payx et se faisoient tresbonne chiere lung lautre tant quil estoient en sorceance.

F°2r :

Et disoit ledit empereur *que* sgr. pince de vy citains de mets amat et eschevin estoit ~~parix~~( ?) le plux saige hom et le plux saige bourgeois de bonne ville que fuit en toute son empire.

*Item* or advint *que* quant ledit emperour revint de parix il estoit per aventure une fois sus rin et en neggant quil faisoit fuer de la ney pour penre rive, il prist a dire en soupirant (légèrement différent) or ne sa je aujourdui en coy je me doit fier car jay fait perjurs trestuis mes esliseurs du saint empire par convoitise car je les aix trenglez( ?) tant par waigiere de bonne ville et de paisaiges comme de monnoie. Et son feable ly demandait pourquoy et coment et ledit

empereur ly respondi jay tant fait que les sept eslixeurs esliront mon fil *aprez* mon decept et je say bien quil nest mie digne de lestre *par* nonsens et quil ne valroit jamais rien et pourtant sont il mauvais faultz et *perjus* de le moy avoir promis et moy meysme vaul encor pix que aulz *pourtant* que je les aix fait *perjurer*.

Et *aprez* la mort dudit chairle fuit eslieut son filz le roy wainchelat de bahaigne *pour* estre empereur dequoy il *nen* avint mie *grant* bien.

Coment ledit emperour chairle estoit eschair et coment il achitait la marque de brandebourg et la donnait a son second filz de sa dairienne femme symon qui puis fuit roy de hunguerie et empereur. Et le duc Wainchelat son frere qui estoit duc de Lucembourg et de braibain estoit lairge et despandoit touste (sic) en joustes et en tournois en dance et en faitier damme et damoiselle. Si avint une foix que ung escuier venoit de braibain en baheigne delez ledit emperour se ly demandait *que* faisoit son frere et illy respondi quil faisoit tresbien et quil avoit tresbien jottey a burxelle et quil avoit gaingnie le prix dairme dequoy ly emperere ly respondi quil avoit muis joste *que* son frere car il avoit jostes le merqui de brandebourg fuer de la selle estoit a dire quil acroissoit *pourtant* quil avoit achites la *merquisetey* de Brandebourg et lavoit donneit a symont son second filz. Sely sembloit que cestoit muez joster dacquerre *que* de despandre sy *comme* faisoit son frere en joustes et tournois.

F°2 v :

Et le quel symon fuit puiez roy de hunguerie et puis fuit *emperer*.

Et moruit *par* mil iiii<sup>c</sup> et xxxvii on moix de descembre.

Et quant il fuit roy des romain il donnait ladite marque de brandebourg au borgraive de noiremburg.

F°3 r :

Les enseignement de la descendue dudit emperour charle le quel olt iiii femme come dit ma dame de balviere.

Ma damme de balviere ait dit que lempereur chairle olt iiii femme dont lune fuit fille dun duc de brie en hunguerie don le roy wanchelat de boeme uxit qui olt une fille de balviere le quel moruit san hoir de lor cor et aison temp ay comanson le boeme *et* aucioy( ?) en lor airroure contre *nostre* foy.

Et lune des femme doudit emperour chairle fut fille dung duc de staituignio ver lay marque de brandebourg. Sen uxit le roy symon de hunguerie que fut emperour.

Et le duc jehan de gorliche en boeme qui olt a femme ... sen uxit une fille qui olt nom ysaibel que fut femme de anthoine duc de braibain et de jehan duc de bawiere et morurent tuis iii sen hoir de lour corps et par ansy faillit lay desxandue don dit duc Jehan de Gorliche.

Et olt encor ledit emperour chairle ii femme de coy je ne say sil en olt nulz anffans dont lune fut fille dun sgr. de Mielan.

Et lautre femme fuit de France.

Et par ainsy olt ledit emperour chairle iiii femme.

Ledit emperour chairle olt une fille que fuit femme dun borqueraive de noirembel maix je ne say de laquelle femme fut.

Et ne say se ledit emperour olt plus de fille quecelle devant dite.

F°3 v :

~~Cy aprez doit estre partie des ansignement de la descendue dudit emperour chairle lequel olt iiii femme~~

Dudit emperour charle et de sa premiere femme fille don duc de briez en hunguerie uxit vainchelat son annel fil lequel fuit fait roy de baheigne par mil iii<sup>c</sup> lxxii. Et ly donnoit son père lempereure chairle a son visquant ledit reamme pour venir au saint empire aprez son decept. Et lequel roy wainchelat fuit esleut pour roy des romain en lan mil iii<sup>c</sup> lxxv et moruit par mil iii<sup>c</sup> et xx sen laisser hoirs de son corps et dont vous ores pairler de sa vie aprez.

Ledit emperour chairle olt une fille que fuit femme dung bourgrave de noiremberg et not une fille maix je ne say celle fuit de la premiere femme ou de la dairienne femme dudit emperour charle. Laquelle fille fut femme dun sgr. de Vertember don elle nont nullz enffans et moruit sen hoirs de son corps.

Cy aprez vous pairlerons des ii filz que ledit emperour charle ot de sa dairienne femme cest assavoir du roy symon de hunguerie que fuit emperour et du duc Jehan nous vous parlerons ~~et a (?) ii filz~~ premier pourtant quil moruit jonne et aprez vous parlerons dudit roy symon de hunguerie que pues fuit emperour. Lequel vesquit plus de lxxv ans et moruit par mil iii<sup>c</sup> et xxxviii on mois de decembre.

En lan mil iii<sup>c</sup> iiii<sup>xx</sup> et iiii fuit ledit roy wainchelat en mets et y fuit receu comme roy des romains.

Se ly fist la ville de *presant* tant en vaixelle comme en aultre proveance xix<sup>c</sup> lbz.

*Item* au chancelier pour le seel de la conformacion(pas sûr) des franchises de me[ts](effacé) c florins.

F°4 r :

*Item* aus herralz menestrez et mesaigiers et autre maisnieez lvi florins. Et ledit roy donnait au sergens des treses xx florins.

Et au despartir de mets sen rallait *par* lucembourg et de lucembourg en baheigne.

Et apres ceste article trouvez lenseignement dez *lettre* quil donnait a ciaux de mets pour leur franchise. Et apres la *lettre que* ciaux de mets ly donnont en recognissant quil le tenoient pour roy des romain.

Et en celle annee fuit gaingniee hombourg sgr.(sic) sus sgr. Hanry baiere et sus sgr. coinraird baiere son frere qui la tenoient en gaige de leur oncle levesque de mets thiedrich baiere de bopert *que* fut. Et fuit prinse *par* sgr. pierre de lucembourg fil dun conte de *saint* pol et de liney. Lequel estoit nouvellement devenus evesque de mets et fuit gaingniee *par* sgr. wallerans de lucembourg conte de *saint* pol et de liney en berroy frere dudit evesque de mets *que* fuit puis appellez *saint* pierre de lucembourg *que* geist ensevelit en avignon. Et fuit prinse et gaignee principalement ~~sgr.~~ sus sgr. hanry baiere pour les menus bien *quil* faisoit ixant et rantrant de ladite hombour[c](pas sûr). Et depuis la mort dudit *saint* pierre fuit sgr. raul de couscy evesque de mets auquel puez fuit evesque de noion auquel ledit sgr. hanry baiere feist guerre pour la prinse de ladite hombour dequoy il en avint que environ viii ou ix ans apres ladite hombour prinse et ainsey gaingnee ledit sgr. hanry baiere uxant et rentrant dabe en allemaigne / laquelle tenoit pour le temps audit sgr. hanry baiere et a sgr. coinraird baiere son frere et pour ladite guerre que ledit sgr. hanry baiere faisoit audit evesque uxant et rantrant de ladite abe. De la queille guerre sgr. coinraird baiere ne se melloit ledit evesque sy mist warnison au lieu dallebestorf contre ladite abe. Sy avint *que* ung jour ledit evesque fist renfourciere (sic) sa warnison de laite allebestorf / et fist coure devant ladite abe. Et davanture ledit sgr. coinraird baiere y estoit venus le soire devant lequel avoit la mitte en ladite abe. Maix quant il se vit *dampmage*[r](pas sûr) il fist requerrire con ly randit le sien. Dequoy on *nen* volt rien faire. Et tantost ledit sgr. coinraird mandait le conte symon de sarw[er]den *que* ly amenait domisoul symon fil du waucaire de biche et conte de ii pontz que ly vinxent en ayde / et domisou symon filz de sgr. Jehan conte de salme lequel estoit a putlengue que ly vint en ayde et quant ledit

F°4 v :

Sgr. coinraird sentit le *servixe* et layde quil avoit il dist a son frere jay ceste buffe de *parrrt* vous se dieu plaist nous averons bonne aventure et encomansont chastier *per* accord et en chassant *quil* faisoient tout bellement /et leur anemis vinxent *prez* de leur logies ilz sencomanson[t](effacé) a traire *prez* de leur logiez pour le chault et sacomansont a despoili[er](effacé) et baignier pour y aulx arefreschier. Entrant quil se baignoient leur arriere garde fuit aprochie de cy pres qui ruont pied a terre dune *parrrt* et dautre et se combatont trez freixement et furent desconfilz les esveschaulz et *perdont* bien l homme dairme /(pas sûr) don la flour du blamondois y fuit prinse. Car tous les